



UNIVERSITÄTS-
BIBLIOTHEK
PADERBORN

**Vitæ Sanctorum Sacris per singulos anni dies
Meditationibvs illustratæ**

Paderbornæ, 1697

S. Guido Confessor. 12. Septembris.

[urn:nbn:de:hbz:466:1-62968](#)

peccatis tuis quidquid tibi calamitatis acciderit. Nam ipse sibi parat peccator, quod patitur; nihil itaque de calamitatibus nostris imputare Deo possumus, nos calamitatum nostrarum auctores sumus. Salv.

2. Pœnitentiae causâ abstine quantum poteris, licet voluptatibus: qui Creatorem offendit, indigens est, qui rebus creatis ad delicias utatur. Licitis fruantur justi delitiis, at pœnitentiam agant peccatores, quibus nimis ad pœnitentiam vita prerogatur,

3. Ad hæc suscepis ultro laboribus macera corpustum; ut perceptam indelitiis voluptatem luat. Ita sancti in quorum vita toties mentio fit de vigiliis, jejunii, ciliciis, verberibus, an credimus iisnos esse nocentes minus? ut illis, sic nobis arcta via ad vitam est. Ne nos ipsi decipiamus, agamus pœnitentiam, ne in eadem crimina relabamur, nam ubi emendatio nulla, ibi pœnitentia nec essari vana. Tertull.

S. GUIDO CONFESSOR.

12. Septembris:

Quamdiu sumus in corpore peregrinamur à Domino. 2. Cor. 5.

Etiam GUIDONEM humili genere natum ad Astra virtus evexit, tutissima eorum scala, qui generosi humi obrepere detrectant. Natalem terram Brabantia dedit. Puer non prius animo hilari esse nunquam potuit, quam aut prece DEO, aut egeno stipem de-

M

disset

disset, quam ubi non habuit, ipse scilicet coëgit, mendicorum mendicabulum. Adolescens VIRGINIS templo operam suam æditus addixit, gnarus cœli portam esse, quam curaret. A tam sancto munere cùm mercatore persuasus mare concendisset, & ventos & superos adversos sensit, quin remomanum tam diu eximere non potuit, quoique hanc redux Virginis aræ supplicem tenebit, manifesto in hujus transfugas exemplo. Sanctius postmodum iter instituit, cùm Romanam & Hierosolymas aliosque Christianis vestigiis nobiles locos petiit, septémque ipsos annos talem se, quales omnes sumus peregrinum vendidit. Hinc cum fesso DEUS quietem donare vellet, in lectulum dejecit. Hoc cùm æger Anderlaci decumberet, columba è cœlo multo lumine corusca advolavit, simul vox audita est, quæ ad coronam Di lectum invitavit. Enimverò lubens paruit. Orbe scilicet pererrato, restabat ut astra viseret, quam viam an illi Juvenes insistant, qui Gallias nunc & Italias petunt, tibi qui hæc legis, Judicium esto. *Ex Surio.*

MEDITATIO

Quomodo in hac vita peregrinandum ad cœlum.

UT imiteris S. Guidonem Peregrinantem in terris, moveare ad instar Circini qui non mouetur in orbem, nisi ad voluntatem illius qui gerit in manu. Ita voluntas hominis Christiani omnes motus suos conformet voluntati divinae, dicat in omnibus: *non mea sed tua voluntas fiat.* Sicut circinus fixo uno pede immobiliter in centro, altero circumuenio perficit orbem, ita tu extende te ad curas & negotia vita tuae, corpore per varias occupationes, vagando, sed animo semper Deo, insistens. Nam Christus ipse dicit. *Qui manet in me, & ego in eo, hic fecerit fructum multum,* Joh. 15.

2. Imitare in peregrinatione hujus vita evagitationes prædabundæ per prata, & hortos apiculae, quæ non redit in alveare nisi onusta. Ita quotidie aliquid boni collige & reconde pro æternitate felice tibi præparandâ. *Charitas* inquit S. Chrysost. hom. 33 Epist. 1. ad Cor. *Veluti frugi quadam apicula, bona omnia undiq; collecta, in amantis animam importat.* Quomodo colligis quotidie?

3. Imitare motum navis. Ita innitere fluxis, ut obtineas portum. Vela semper pande in altum spe gratiæ. Fortiter obnitere fluctibus fortunæ adversæ, quos superabis efficaciâ gratiæ. Secundo cursu utere cum moderatione, ne te præcipitem rapiat fortuna. Tuorum consiliorum gubernatrix sit mens divina.

S. AMATUS ABBAS.

13 Septembris.

M 2 Qui